

楊襄毅公本兵疏議

楊襄毅公本兵疏議卷之十七

覆巡視 皇城科道官趙格等申嚴門禁需索疏
少保兼太子太保兵部尚書臣楊博等謹

題爲門禁事車駕清吏司案呈奉本部送兵科抄出吏
科等衙門右給事中等官趙格等題奉

聖旨兵部看了來說欽此欽遵抄出送司卷查洪武二十
七年十二月內奉

太宗高皇帝聖旨榜例一凡當直之時守門本日外人於
內辦事事畢仍於本門還若自本門入不自本門出
不問是何等人却被別門擒拏將所入之門守直官

軍俱各處以重刑又查得成化七年十二月內該英國公等官張懋等題稱皇城門禁至爲緊要近來守衛官軍多有雇人應點隨即散出行術并買賣諸色人等出入內府奸宄莫辯今後守衛官軍務導

祖宗榜例嚴加搜檢但有無名之人及假帶牌面者就便拏送法司究治又查得弘治元年七月內該刑科給事中韓祐題稱入朝官吏監生除服飭可驗無牌面者不許一人冒入又查得嘉靖九年八月內該羽林前衛指揮僉事喬松奏稱近年以來守衛官員因聽守門內官節制任其各項差索致令守衛不專門

禁久嚴刁頑奸潑之徒乘機混入禁地守門內官惟
知需索賄賂故縱出入所以掣肘難行大壞守衛舊
規制削軍士逼逃大半等因又查得嘉靖二十三年
八月內該禮科給事中查秉彝題稱 皇城四門設
立廚房守衛軍士做造飯食內官科索大小網巾錢
聽事火頭錢或留占役或奪銅牌不與或將紅舖占
住逐軍在外索看舖錢少不如意待交班之時即將
官軍逐打不容接班反行虛詞叅害乞要嚴加禁約
等因俱經題奉

欽依通行欽遵外今該前因查呈到部看得吏科等衙門

右給事中等官趙格等題稱西安門失盜千年弔一副欲要將守衛指揮千百戶等官王江王忠趙珊等法司提問仍要本部將禁約逐一申明嚴加關防各衙門置造木牌辯驗放入一應貨賣藝卜之人不許擅入禁地及行司禮監將各門內臣科宦官軍等弊通行禁革內臣孔英劉憲齊進罰治以警其餘各一節爲照尊隆之地莫先於皇城守衛之司莫切於門禁官軍厚其優恤使之得所方可責其効勞朝市辦其等威使之有章方能嚴其防範恭誦

聖祖初年之榜例仰讀

皇上節年之明旨凜如斧鉞昭如日星乃今沿習既久玩愒易生在內府禁地則往來如雲不止官吏匠校甚至商販藝術之人無所不到在守門內官則培植成風不止月糧月米甚至綱巾煤炭等錢無所不取遂致法紀廢弛姦宄恣肆以經巡視科道等官趙格等叅題前來委當嚴加申飭合候

命下本部備行司禮監將西女門內商販藝術之人作速逐出如敢不行遵奉巡視科道等官一面拏究治罪一面查審貨物原是何門而入就將經該內臣一體叅奏仍通行各門內臣以後綱巾茶果煤炭直米等

項盡行禁革一錢不許科索一官不許凌虐違者許
被害之人赴巡視科道等官告理孔英劉憲齊進聽
司禮監奏請發落以示懲戒門禁每日啓閉以時不
必置造木牌止要嚴加關防其守門官軍亦不許怠
玩悞事巡視科道并本部委官糾視開點比常務要
加緊果有違犯查照律例從重處置其五府巡城侯
伯都督等官止許督緝不必點開十羊九牧反成紛
擾本部備出榜文禁約於皇城各門張掛曉諭王
江王忠趙珊等咨送注司徑自問罪及照科道等官
又稱每門三十餘員忠銀三十餘兩顯是各門內臣

添設太多仍乞

勅下司禮監備查原額若干新添若干即今應該作何議處徑自具奏定奪嘉靖四十四年八月二十七日題奉

聖旨是欽此

會議真定府擒獲妖逆馬相等罪名論功行賞疏題爲擒獲大夥妖逆事該兵部題職方清吏司案呈奉本部送兵科抄出巡撫保定等府兼提督蔡荊等關都察院右僉都御史張師載巡按直隸監察御史董學孫丕揚題俱奉

聖旨兵部知道欽此欽遵通抄送司案呈到部看得前項
逆犯踪跡昭彰罪惡深重以情處分脅從隸於本部
以法處決渠魁隸於法司必須會議僉同事體方得
歸一合候

命下容臣等會同刑部逐一議擬停當具奏定奪等因奉
聖旨是欽此查得大明律內一款凡謀反及大逆但共
謀者不分首從皆凌遲處死祖父父子孫兄弟及同
居之人不分異姓及伯叔父兄弟之子不限籍之同
異年十六以上不論篤疾廢疾皆斬其十五以下及
母女妻妾姊妹若子之妻妾給付功臣之家爲奴財

產入官若女許嫁已定歸其夫子姪孫過房與人及
聘妻未成者俱不追坐知情故縱隱藏者斬又一款
凡造讖諱妖書妖言及傳用惑衆者皆斬若私有妖
書隱藏不送官者杖一百徒三年今該前因臣等會
同刑部尚書臣黃光昇等看得前項逆犯本以無知
敢行不道殺人祭旗妄逞小人之計索財犒士僭稱
大寶之年立馬相爲天王呼孫氏爲聖母拒敵官兵
全無忌憚列營原野大肆猖狂據其惡跡與劉六劉
七相同考之刑章非妖書妖言可盡仰賴

聖皇在上雷驚電掃一鼓擒之遠近得免荼毒之厄

朝野俱切昇平之慶一時地方官員如巡撫都御史張師載巡按御史董學孫上揚副使孫一正調度防範有發縱指示之勞巡捕典史陳萬卷數戰數克抱陷陣衝鋒之略地方張平馬賊就死成慷慨殺身之節均可嘉尚除巡按例不誦功不敢槩議外係干重大刑賞相應亟行議擬合候

命下將張師載優加賞賚孫一正量加賞賚陳萬卷重加賞賚移咨吏部超陞府佐之職以示優異張平贈作正千戶巡撫衙門處給卹銀三十兩仍廕一子爲附近衛所冠帶總旗其餘有功中軍官曹世德等并

失事有罪人員轉行各該巡按御史作速查明具奏
本部一面通行北直隸順天山東河南四處巡撫官
各出簡易榜文明白曉諭奏內有名者或係仇攀許
本人自行出首即與辯理或係詭捏聽官司從實申
呈即行除豁奏內無名者傳誦妖書若能自行焚毀
悉置不問官司亦不許因而羅織驚擾愚民其見在
馬相等七十三名口監故王相等十名罪在不赦撫
按官文書到日會同凌遲已死者剉屍示衆以盡本
法律該連坐者必須的親與律相合方許具招奏請
若是無籍或單丁或獨戶不得旁及平人其李學詩

孫氏二人罪大極惡務要多方拏獲以正典刑嘉靖四十四年八月二十八日題奉

聖旨是張師載賞銀三十兩紵絲二表裏孫一正二十兩一表裏陳萬卷十五兩馬相等著撫按官便會同決了李學詩孫氏上緊緝拏具奏欽此

覆都給事中邢守庭等請寬損軍律數失陷罪疏題爲胡虜屢窺宣天出入無時懇乞

聖明切責邊臣抵力備禦并究失事人員事職方清吏司案呈奉本部送兵科抄出兵科都給事中邢守庭等題奉

聖旨兵部看了來說欽此欽遵抄出送司案呈到部看得
兵科都司畢中邢守庭等具題前因乃因宣大虜賊
出沒不時欲圖善後之計大率有二其一則極言諸
將怯懦不戰欲要不以暫去爲可幸當以復來爲可
虞至欲道前近例不罪損傷尤得鼓倡忠勇之機其
二則欲備查兩鎮虜經地方損失多寡違誤重輕至
欲墩堡攻剏一體查究深中邊臣欺肆之弊蓋將官
藉口不戰全在損軍之律邊臣指言操田以掩攻毀
之失臣等先已洞燭其弊屢行申飭該科反覆言之
更爲明切相應通行議擬合候

命下移咨總督尚書江東嚴督宣府鎮巡官馬芳李秋大
同鎮巡官姜應熊張邦彥等即今正當秋深之時務
要多方籌畫虜衆至則環甲枕戈必思食其肉寢其
皮虜既至則出奇制勝使之進無據退無歸果能斬
馘羣旗多有俘獲超格陞賞卹卹俱難吝惜即使損
傷軍馬亦免追論一面移咨都察院轉行彼處巡按
御史立限查勘要見入秋以來宣大虜人幾次何處
敦堡攻毀何處墩堡保全何處搶虜人畜爲多何處
搶虜人畜爲少何處止是探田原未攻毀墩堡何人
情在可原何人違悞爲甚逐一分別具奏以憑覆議

上請定奪嘉靖四十四年九月初三日題奉

聖旨是欽此

覆北畿印馬御史顧廷對條議寄養馬政疏

題為申紀法飭人心急釐極敝馬政以裨大計事專駕
清吏司案呈奉本部送兵科抄出巡按直隸等處監
察御史顧廷對題奉

聖旨兵部知道欽此欽遵抄出送司案呈到部看得巡按
直隸監察御史顧廷對數陳五事大率皆為寄養而
發救偏補弊均於馬政有益合就開立前件議擬上
請定奪嘉靖四十四年九月十二日題奉

聖旨是閩應武罰俸二箇月邢元徹一箇月劉文彬著送部降用欽此

一時巡歷以稽成效大率謂印馬御史該管地方濶遠三年始巡一週曠口持久人心玩怠欲要三年之內巡歷兩徧具見恪脩職業以求實效之意合無依其所擬行令本官不拘種馬寄養三年之內務要巡歷二次案候新差御史命下之日本部移文內府翰林院增入勅內一體欽遵以爲定例

一嚴罰治以策怠玩大率謂寄養馬匹地方有司玩愒以致瘦損數多欲要分等究治無非肅法紀以懲

時廢之意合無依其所擬將密雲縣知縣邢元徹量
加罰治順義縣知縣閻應武重加罰治三河縣知縣
劉文彬起送吏部降級別用其餘未經巡蒞州縣但
有怠玩如劉文彬者聽其不時察奏以後巡歷所至
先查比廩息之肥瘦然後查比倒失之多寡務要提
綱挈領以脩實政

一復專官以備職守太率謂寄養馬匹地方裁革管
馬佐貳官專責掌印正官不惟事廢於兼攝之難周
亦且弊滋於轉委之未當欲要照舊除選專官但有
貪污即行拏問查得州縣管馬官員先該印馬御史

吳守具奏本部覆奉

欽依通行裁革責成掌印官員蓋一方之事全在知州知縣若果得人則無利不興無弊不革不得其人即使六事各設一官祇見繁擾御史顧廷對前款所列欲要謫罰正官意已有見於此今無仍照本部原議責成知州知縣克修馬政者指名薦奏不行修職或大肆貪婪應拏問者即便拏問應叅黜者指名叅黜一慎俵納以清弊源大率謂解納馬匹積弊多端在民則聽其侵剋包攬在官則失於濫收抵易以致收俵之馬發之寄養多不中用欲要太僕寺驗收合式

大馬矮小不堪者即行追究仍將馬匹補換一切優
攬抵易等弊通行嚴禁查得本部題往事例各處本
色馬匹俱要揀選身高四尺九馬五歲驕馬八歲以
下方許起俵乃今本官極陳弊源欲行釐正一時太
僕又皆新任勵精之初合無依所所擬行令該寺以
後驗收馬匹務要遵照節題事理揀選身高四尺年
齒相應方准收納但有矮小不堪即追究原解人後
在京在外果有積棍馬販包攬侵剋等弊嚴行緝拏
叅送法司從重問罪仍將馬匹退回補換不得徇私
聽囑本官職司風紀亦要將侵剋包攬之弊嚴加訪

禁各該衙門但有仍蹈前弊者聽本部與本官徑自
叅奏

一清戶籍以杜虛耗大率謂寄養人戶編審無法派
養不均以致馬多耗損要將各該馬戶立法審編分
定戶則酌量派養不使偏累無非體恤民隱以示均
平之意查得寄養州縣先該御史吳守題地土人戶
減少領養馬匹數多負民受累馬匹消耗議將寄養
馬匹減派二萬養馬地土照數審編不許多派糧餉
欽依通行印馬御史會同撫按衙門審編去後爲月未久
弊復種種此皆承委官員苟且完事之故合無斟酌

所擬仍令本官會同各該撫按衙門選委廉幹掌印
官照依所議從實審編通限兩月以裏造冊完報如
敢不行悉心仍前虛玩本官即便指名叅究

覆宣大巡按御史胡維新報虜情請薊鎮嚴備疏
題為大舉聲息事職方清吏司案呈奉本部送兵科抄
出巡按直隸監察御史胡維新題奉

聖旨兵部知道欽此抄出送司查得先該總督宣大山西
軍務尚書江東揭稱虜情該本部看得西虜俺荅自
八月以來聚兵大同邊外節經本部不次移文多方
隄備乃今果露形于玉林城之西復列營于威遠邊

之內非近犯大同朔應即遠犯山西寧應萬一山西
攻牆不克移營而東則平刑倒馬浮圖插箭一帶均
為可慮即目秋氣正深月明弓勁正屬彼虜馳騁之
時不得不為深長之慮除咨行總督江東巡撫張邦
彥李秋萬恭張師載會同總兵官姜應熊馬芳董一
奎尹秉衡一體戒嚴共保萬全外奉

聖旨是著各該總督鎮巡等官嚴行隄備不許怠悞欽此
已經通行欽遵外今該前因案呈到部看得巡按直
隸監察御史胡維新所題大同前項虜情查與總督
尚書江東所報大略相同虜若止在大邊則當揚兵

耀武以伐其南下之謀虜若突入二邊則當振旅堅壁以速其北歸之念已經題奉

明旨無容別議除再行申飭外臣等竊見薊州二鎮腹心重地比之宣大不同即今虜蹤雖在大同誠恐聲西擊東先該臣等飭行總督侍郎劉燾分駐古北等三路總兵官胡鎮分駐太平等二路巡撫都御史溫景葵分駐燕河等二路總兵官劉漢分駐黃花等二路在日前雖已嚴未然之防在日下尤當為臨事之懼合無容臣等仍行劉燾等慎而益慎嚴而益嚴即使目不交睫身不解甲喫緊時月止有九月半月十月

一月功成萬全則國恩自在事或一失則

國典攸存大抵宣大山西三鎮無牆可守虜難保其不
來必使隻輪匹馬不能入邊方為上策嘉靖四十四
年九月十六日題奉

聖旨是邊備寧過於勞于先勝似成功于後著劉壽等嚴
督鎮巡兵備等官協心預防務保萬全欽此

覆巡撫延綏都御史胡志夔傳報大虜隄備疏

題為大舉達賊入境事職方清吏司案呈奉本部送准
巡撫延綏等處地方都察院右僉都御史胡志夔揭
帖前事揭報到部送司案呈到部看得河東河西俱

係西虜往歲無春無秋合營規伺薊鎮今歲入秋以
來分爲二股一股突犯山西一股突犯延綏即今山
西之虜已經打退未得入邊延綏之虜方自龍州無
牆去處進入節經本部移文總督都御史郭乾巡撫
都御史胡志璉申飭將領倍加戒嚴傳示州縣預行
收斂又經行令總兵官趙計統領官軍前往鎮靜一
帶防禦正與虜入之處相值况郭乾見駐花馬池隔
離龍州殊爲不遠軍門調度尤爲便利除馬上差人
行郭乾等叶力勦逐不許怠緩文書到日如果虜已
出邊具由奏知外嘉靖四十四年九月二十二日題

奉

聖旨是欽此

會議雲南巡按御史王諍叅黔國公沐朝弼疏一

題爲羣姦撥置功臣上違

勅諭下霍良民積怨漸深叛亂屢作懇乞

聖裁以預圖久安事該兵部題職方清吏司案呈奉本部

送兵科抄出巡按雲南監察御史王諍題奉

聖旨兵部看了來說欽此欽遵抄出送司案呈到部看得

御史王諍所叅鎮守雲南總兵官黔國公沐朝弼違

法多端臣等遂節看詳中間處分占據莊田其事隸

於戶部究問撥置群姦其事隸於都察院必須會議
僉同事體方得歸一合候

命下容臣等會同戶部都察院逐一議擬停妥具奏題奉
聖旨是欽此查先該鎮守雲南總兵官征南將軍黔國
公沐朝弼奏爲懇乞天恩俯憐萬里邊臣往役祖
父舊規以重地方以全體面事奉

聖旨總兵府係軍機衙門陳氏著照王氏等例撫按差官
護送同伊子喪柩回南京安葬住守養贍田產仍舊給
與該部知道欽此已經兵部移咨都察院轉行雲南巡
按御史會同巡撫衙門將陳氏照王氏等事例作速

差官護送同伊子融輦二柩回還南京安葬住守其
合用養贍田產照例施行徑自回奏又查得先該巡
按雲南監察御史孫用題爲懇乞

宸斷功臣田產以全恩義以杜爭端事該戶部覆議得合
行雲南撫按官會集都布按三司及府縣掌印官再
行勘議或將陳氏田產遵奉

勅書仍照原經勘斷數目給與管業或以陳氏孀居南京
住守將南京附近蘇州鳳陽等處莊田子粒內每年
撥給銀米如數供給則宜繳還陳氏原奉

勅書仍要剖析明白計處停當定爲歸一之論毋得兩可

之辭徑自上請定奪奉

聖旨是著巡按官作速勘處不許仍以兩司之詞竇奏欽
此至今未見回奏今該前因臣等會同太子少保戶
部尚書臣高耀等都察院左都御史臣張永明等看
得御史王諍具題極口論列黔國公沐朝弼可駭十
事及叅稱本爵世受

國恩罔修職業聽群小之撓置致百事之乖張違

上之命以行其私臣節何在奪兄之產而囚其嫂天理難
容民怨深入於骨髓而播惡罔休莊田徧遠於全滇
而好奪不已每言鐵券可憑雖殺人其何罪豈知衆

怒難犯將啓釁於無窮欲要從長查訪搜議施行一
節爲昭黔國公擁旄建節世守滇南以德惠撫民民
甚愛之以威武鎮夷夷甚畏之二百年來內安外攘
在各鎮中裒然稱首乃今總兵官沐朝弼大殞家聲
重千國憲人心携二恐成瓦解之虞

天紀乖違不止牆隄之變卽如御史所言令其閑住別選
宗枝或侯伯賢者以領鎮事亦不爲過但惟後效可
期適丁方壯之年先烈猶存當盡議功之律臣等再
三斟量相應亟爲議擬合候

命下備行巡撫尚書呂元洵會同巡按御史劉思問文書

到日即將太夫人李氏夫人陳氏選差的當員役護
送南京其或應給與原管莊產或應給與養贍銀米
查照戶部題奉

聖旨一面徑自歸一處分一面具由回奏不許仍爲兩可
之辭管莊人役盡行查革不分

欽賜實買之田籍付有司徵租類解占奪投獻者查給原
主雲龍州錢糧作速退還奏內橫列柵欄責令拆毀
擅留內使責令遣逐西王謬稱責令釐正撥置有名
人犯蔣旭李洲陳恩范舉潘晃太增蔣鑑李和汪時
兩陳大策十人巡按御史逐一查問應發遣者徑自

發遣應奏請者奏請定奪其餘群小姑免究問仍乞
天語叮嚀將沐朝弼重加戒飭或量停祿米候二年三年
改過自新撫按官具奏議處嘉靖四十四年九月二
十五日題奉

聖旨是沐朝弼爲國重臣所宜敬上惠下以付恩遇却乃
不遵禮法事多僭肆聽憑撥置害小民本當重處姑
念世勲罰住祿米二年如不省改撫按官指實叅奏欽
此

覆福廣撫按官汪道昆等督兵奮勦叛賊吳平疏
題爲會勦海中大勢劇賊事職方清吏司案呈奉本

送兵科抄出提督軍務兼巡撫福建地方都察院右
僉都御史汪道昆題奉

聖旨兵部知道欽此又該巡按福建監察御史陳萬言題
爲再報大夥賊情查叅失事官員以昭法典事奉
聖旨兵部看了來說欽此又該提督兩廣軍務兼理巡撫
兵部右侍郎吳桂芳揭帖爲遵奉

明旨督發大勢官兵出海會勦剿賊事等因到部通送到
司卷查先該福建撫按官汪道昆等揭帖爲急報海
洋賊情事該本部覆議得逆賊吳平等先以招撫誑
我陽順陰逆後以奔突擾我東出西沒大率皆因兩

省各官自分彼此不肯協心之故合候

命下賫文交與兩廣侍郎吳桂芳總兵官吳繼爵俞大猷
福建巡撫汪道昆總兵官戚繼光務要嚴責水陸兵
船各於通賊要路分布夾勦如賊掠廣東沿海地方
則以廣兵擊其前福兵躡其後賊戀南澳則以水兵
撓之陸兵截之如賊仍在福建地方則多備廣船前
來策應如三月之內不能擒勦吳平聽廣東福建巡
按御史先將鎮巡總督諸臣指名叅究等因題奉
聖旨是這海寇著各官嚴督將兵協心夾勦以靖地方不
許推調誤事欽此已經通行欽遵外今該前因查

部看得閩廣撫按官汪道昆等題稱山賊吳平等由
廣而閩招集海賊敵殺官兵在汪道昆則稱要催行
廣東鎮巡速督兵船會勦在陳萬言則稱要將朱璣
原任把總職銜先行削除另推相應官員銓補王臺
協總聽軍門徑自另委仍候擒歸重究傅應嘉鄧銓
姑令戴罪殺賊無功另行提問仍乞嚴催廣東鎮巡
速發兵船星馳策應夾勦在吳桂芳則搥稱即今兵
船畢發計日抵潮各一節爲照把總朱璣王毫之被
執已傷 國體都司傅應嘉鄧銓之折兵更損軍威
事體已明無容別議但吳平一事彼此推延罪未有

歸二省均有按臣必須會同具奏事體方定人心方服相應亟行勘處合候

命下將朱璣把總職銜先行削除員缺另行推補王毫協總職務軍門徑自另委擒歸之日從重究罪傳應嘉鄧銓戴罪殺賊如再無功巡按御史徑自提問一面移咨兩廣侍郎吳桂芳總兵官吳繼爵俞大猷速將辦有兵船一一督發分撥併進福建巡撫汪道昆總兵官戚繼光速將辦有兵船再加整頓剋期會進各赴漳潮通賊要路照依元次分定信地併力夾攻務期蕩平不得自相掣肘致誤事機一面移咨都察院

轉行福建廣東巡按御史親自監督如果兵船到有
先後軍數查有參差二巡按即將誤事官員不分徇
此司道將領指名會本叅論以憑處治賊平之日通
將前項有功有罪人員覈勘明實分別具奏嘉靖四
十四年九月二十五日題奉

聖旨是夾勦已有明旨兩省官如敢推調遷延著巡按御
史從實叅奏處治欽此

覆巡視西關御史顏應賢申飭鎮守邊要務疏
題為秋防將竣再乞申飭慎守事宜以遏虜情以圖萬
全事職方清吏司案呈奉本部送兵科抄出巡按直

隸監察御史顏應賢題奉

聖旨兵部看了來說欽此抄捧送司卷查先該總督劉燾
侍郎劉燾題該本部覆議備行劉燾并巡撫溫景葵
總兵胡鎮劉漢以後春秋兩防下邊之期雖定以四
月九日若使有警春直至五月秋直至十月自難惜
費全在總督臨時酌量臣等不相遙制已經題奉

欽依欽遵去後今該前因查呈到部看得巡按直隸御史
顏應賢具題前因大略有三其一謂劍昌二鎮撤防
爲難欲要申飭當事臣工酌量主客官軍先後掣放
計料虞情深爲有見合無備行總督劉燾查照本部

節行事理差人遠爲哨探如無虜訊將應撤官兵先
客後王直至十月將終以次撤放如果彼時仍有警
報徑自酌處本部不相遙制其二謂鎮邊居庸黃花
等路糜子水門川草石塘等峪各處主兵上邊脩守
例無行糧甚爲可憫欲要客兵撤後量給行糧臣等
竊惟官軍脩工勞苦相同難以拘於地方遠近令無
備行劉燾以後但係脩工官軍不分主客遠近一體
給與行糧賞犒或量行減給或別有窒礙具由各部
以憑會同戶部另行議處其三謂渤海慕田等峪开
連等口官軍駕言脩工乏人巡守欲要鑿於牆子燕

河之失責成將領官軍盡地巡邏蓋嘗目擊其弊故有此論合無備行劉壽轉行鎮巡兵備等官行令各路將領各將金鏡木柝更籌燭炬之類處給完備親行督率主客軍士晝夜巡警無事則用援兵輪緝正兵脩工有警則用正兵分巡援兵策應總督鎮巡等官仍照分定路分不時巡歷以脩實政臣等再惟即目十月相去隆冬不滿四十餘日近奉

明旨邊備寧過於勞于先勝似成功于後欽此欽遵此誠薊昌三鎮保安邊圉之長策臣等愚昧更復何言惟當申飭劉壽等仰遵

聖筭期保萬全臣等無任臨事惓惓之至嘉靖四十四年

十月初二日題奉

聖旨是著劉燾遵照前旨督率鎮巡兵備等官遠哨慎防以固邊圉不許怠慢欽此

覆宣大巡按御史胡維新條列兩鎮積弊疏

題爲集輿論列邊情以光昭無疆

聖治事職方清吏司案呈奉本部送兵科抄出巡按直隸監察御史胡維新題奉

聖旨該部看了來說欽此欽遵抄出送司案呈到部看得巡按直隸監察御史胡維新條陳七事俱與邊防有

益合就開立前件議擬上請定奪嘉靖四十四年十
月初七日題奉

聖旨依擬行欽此

一改駐劄以保要害太率謂天城地方虜勢益猖脩
守日廢欲將朔州兵備道暫移天城會同叅將及時
整飭反復辯析極爲明切但總督軍門春秋兩防多
在懷來叅將先已移駐天城若再將兵備移去遺下
陽和未免空虛根本之地尤當深慮合無斟酌所擬
將朔州兵備仍駐陽和以後不時巡蒞天城以謹東
防年來殘破之極趁今秋事告畢即便先詣彼中會

同副總兵孫伯勳查照所議破格整頓兵馬疲鈍作
何訓練牆缺墮地作何脩築軍人逃竄作何招徠居
民疑畏作何安輯錢糧未充作何儲備火器未足作
何處給厝畧未贍作何辦造准奏處者具呈督撫議
奏應給處徑自施行如果應該巡蒞之時怠玩不
出聽巡按御史訪實叅究其總督巡撫亦要往來巡
歷以示倡率之義

一處嫌疑安地方大率謂原任總督今充代州衛
軍楊順交權姦濁亂邊政興販私貨占種公田潜
用關節欲遠加謫遣追奪功蔭但軍犯改調遠地

必須情罪相當方照其心似雖輕動令無斟酌所擬
移咨都察院轉行巡按宣大御史將楊順行提到官
要見平民目否殘傷以裝功級邊儲是否盜冒以充
襄橐來降目否殺害以快虜心并奏內一切事情逐
一審究明白如果違法重大具摺奏請以俟宸斷
一禁交結杜厲階大率謂大同大邊墩臺擺哨官
軍通同接送脚之輩潛以紅布鈔葉針梳等物私
行貿易透關防及指操守守備等官事跡顯著欲
要督撫諸臣嚴加禁治查得大同墩軍交通比虜自
來有之臣昔任總督之時嚴加禁戢一時頗知畏

憚乃今不止墩軍通虜守備操守等官公然通虜不止大同通虜宣府近亦通虜矣夷夏大防奔潰無極深可痛恨合無依其所擬備行宣大總督并二鎮巡撫會同巡按御史先將守備閃元勲操守余可述嚴加查勘依律重擬以示懲戒仍查照先今事理嚴督各道將沿邊該撥哨軍上班下班之時細加搜檢本等衣裝器械之外不許夾帶別物違者即以通虜之律治罪干礙職官從實奏請置諸重典以示懲戒一定墩堡以固保障大率謂宣大各處墩堡慮有損壞管理人員慮有因循欲要分理各路通判掌管脩

補司道親行較驗巡撫巡歷勸戒查得巡撫出邊一切軍務民事均當整飭不止墩堡一事通判職務頗簡使之綜理墩堡委爲有益合無依其所擬備行都御史李秋張邦彥責令各該司道分行各路通判公同州縣衛所等官各將所管地方脩完墩堡壕塹嚴督堡長及時脩濬務要堅固選定民兵及時訓練務要精強該管官司不時巡歷親行督責巡撫除春秋兩防自難輕動其餘季分亦要逐一巡歷以脩邊政不許專坐鎮城持祿養望

一飭督撫以振紀綱大率謂沿邊督撫諸臣體統不

振立舉動不光明法令不嚴肅奏報不真切乞要叮
寧鼓舞振作以懲夙弊詞嚴意正極爲痛切查得總
督權兼文武閫外重臣巡撫政轄兵民臺端要職
朝廷之上既不輕以與人當事諸臣自合忠以報

國但今新任總督方及振勵之初見任巡撫又值淬勵
之後難以一槩申飭合無依其所擬通行各邊督撫
如果體統未立務加振作舉動未公務加表正法令
未嚴務加整飭奏報未直務加綜覈毋以小忿而亂
大謀毋執已見而干公議毋事姑息而長驕悍旌旗
改觀烽煙頓息方副

聖明委任責成至意中間如或因仍舊習不思振刷悉聽
各該巡按御史指名叅奏

一免抽選以嚴守備大率謂各邊堡有馬壯軍俱被
督鎮抽作標兵輪班買閑寄名冒費止遺老弱步軍
戰守不敷欲要盡數歸還整棚戰守另行衛所挑選
并議清革幼軍及論賊勢衆寡以定將領功罪查得
軍門標兵應援三鎮總兵正兵彈壓一方干係均屬
重大邊堡軍士如果殘缺亦係總督總兵之責必須
計處周匝難以顧此失彼合無移咨新任總督官督
同宣大二鎮撫鎮官從長經理務使標兵堡兵應戰

應守兩無妨害方為上策止於清查存卹幼軍以省糧餉分別賊勢多少以定功罪尤為有見亦容臣等備行管軍問刑衙門一體遵守

一清場地以興馬政大率謂宣府鎮原有牧馬草場地畝軍士牧放馬匹採收備冬草束邇年牧採倒廢冬無積蓄至今折價貧軍餒養不給馬匹多致耗損欲要責成巡撫清查堪種者召種微租不堪者仍令牧採積蓄備用興廢懸墜深於馬政有益合無依其所擬移咨巡撫都御史李秋文書至日限兩月以裏將該鎮原額牧馬場地備行該道選委能幹官員盡

行查出逐一文量明白原係開熟并堪以開墾者通行召人承種毋畝定擬租數貼助墾馬不堪開墾者仍令各軍隨使牧放照例採曬草束如法堆積總候委官收掌以供冬春食用

覆蘇松巡按御史溫如璋勘明三沙倭功陞賞疏題爲紀功事職方清吏司案呈奉本部送兵科抄出巡按直隸監察御史溫如璋題奉

聖旨該部知道欽此抄出送司卷查先該提督軍務巡撫浙江都御史劉繼題爲哨報海洋賊舡事總督溫運巡撫鳳陽戶部右侍郎王廷題爲飛報賊情事巡按

直隸御史尚德恒朱炳如各題同前事該本部覆奉
聖旨是這倭寇著王廷等嚴督將兵作速勦捕仍行浙直
閩廣鎮巡等官相機戰守協力夾攻如或怠違誤事重
治不宥欽此又該提督軍務巡撫應天都御史周如斗
巡按直隸御史溫如璋各題報前項倭情該本部查
與浙江江北撫按先題事理係干一事俱經通行各
該巡撫總兵等官作速勦捕去後續該周如斗溫如
璋與同巡江御史尹校各題爲倭寇突犯海沙仰仗
天威官兵會勦全捷事俱該本部覆議題奉

聖旨是郭成賞銀二十兩耿隨卿十五兩田應山朱晃各

十兩周如斗既夙有分布調度之勞溫如璋能代巡撫
任事各賞銀二十兩紵絲二表裡欽此欽遵去後今該
前因通查案呈到部看得巡按直隸監察御史溫如
璋題稱本年四月十六等日倭寇突犯三沙等處地
方官兵勦獲功級查勘明實分別造冊查錄及稱副
總兵郭成身冒矢石親獲功級所當照功首錄叅將
田應山奮勇斬獲與把總朱冕有功相應併錄把總
車梁千百戶與遙授等官徐正呂崇舟等二十六員
同應紀錄李峨劉重光原係立功人員各獲功級通
應陞贖把總曾勇千戶儲元縱賊觀望都司邵應魁

百戶高於山指揮陳大綸失事均當重究內都司邵
應魁親斬二顆部下擒斬二十一名顆又犁沉二舡
所當贖敘巡撫都御史周如斗戰勝成功兵備副使
耿隨卿身冒風濤同知劉一麟身親輸運俱應陞賞
各一節爲照前項功次全是巡按御史溫如璋調度
之功蓋巡撫周如斗偶以公務不在地方若使巡按
拘泥職守不肯身任其事呼吸之間安危得失所繫
不輕今既勘明回奏前來除周如斗先已

欽賞難以再議外所據溫如璋并獲功失事文武人員干
涉激勸相應通行議擬合候

命下將溫如璋移咨吏部併敘年資候有相應京缺推用
耿隨卿量加陞級劉一麟重加賞賚郭成田應山朱
冕車梁徐正呂崇舟等二十六員名通候覈用
到日查照功次另行議陞內郭成等親斬首級既稱昭昭
在人耳目往於實職上錄敘難拘領兵官不許報功
之例李峨劉重光邵應魁先往贖罪餘功仍照冊開
再議曾勇儲元高於山陳大綸移咨都察院轉行彼
處巡按御史行提到官分別重輕問擬具奏嘉靖四
十四年十一月初一日題奉

聖旨是溫如璋候有相應京缺推用耿隨卿陞一級劉一

麟賞銀十五兩曾易等著巡按御史提問具奏欽此
覆巡撫山西侍郎萬恭敘西溝口戰功行賞疏
題爲達賊大舉入寇仰伏

天威官軍出境戰守一騎不得入邊大遭挫遁乞恩優異
有功陣亡人員以伸華氣事職方清吏司案呈奉本
部送兵科抄出提督鴈門等關兼巡撫山西地方兵
部左侍郎兼都察院右僉都御史萬恭題奉

聖旨兵部知道欽此欽遵抄出送司案呈到部看得巡撫
山西左侍郎萬恭題稱本年九月十一等日達賊侵
犯本鎮利民西溝口等處地方獲功陣亡等項緣由

及稱總兵官董奎功當直論把總趙竭忠功當特
論陣亡指揮郭維藩并趙宗漢等俱應優卹其餘功
罪人員并行巡按御史逐一勘報各一節爲照山西
地方連歲迭遭虜患既不能謹守關隘使之不入又
不能整搦兵馬逐之速出積弊已久莫可救藥巡撫
侍郎萬恭乃今申飭司道督率將領拒於牆內已成
萬全之功戰於牆外尤見三捷之略生者誓與賊而
俱死死者真雖死而猶生一時之茂績委可嘉尚係
干激勸相應通行議擬合候

命下將萬恭董奎重加賞賚趙竭忠先行賞賚郭維藩

贈都指揮同知另廕一子做副千戶仍立祠死所以
慰忠魂趙宗漢等各將應襲兒男襲陞一級一面移
咨都察院轉行彼處巡按御史通將前項有功有罪
人員逐一覈勘要見某人功多仍該陞級某人功少
止該給賞某人功浮於罪應該准贖某人罪浮於功
應該罰治并賊經地方失事重輕應叅應問人員作
速併奏嘉靖四十四年十一月初三日題奉
聖旨是萬恭董一奎各賞銀三十兩紵絲二表裏趙竭忠
十兩一表裏其餘依擬欽此

覆宣大總督尚書趙炳然論總兵姜應熊通虜疏

題爲急議主將以圖戰守以固重鎮事職方清吏司案呈奉本部送兵科抄出總督宣大山西等處地方軍務兼理糧餉兵部尚書兼都察院右都御史趙炳然題奉

聖旨兵部看了來說欽此欽遵抄捧送司案呈到部看得總督宣大山西軍務兵部尚書趙炳然具題前因大略謂大同總兵姜應熊怯懦不勇交通不忠殃民誤國亟宜罷革及稱昌平總兵劉漢驍勇慣戰機智超群堪以代任各一節爲照大同通虜之弊往歲止是沿邊墩軍爲之夷夏大防已成決裂乃今總兵官姜應

熊身任大將掌握重兵甘心爲此和戎之計殃民誤國誠如總督大臣所論但總兵劉漢鎮守昌平出自特簡似難輕易更置係千重計相應通行議擬合候

命下將姜應熊先行革去職任一而移咨總督尚書趙炳然提至軍門追問通虜情節要見周清秘計何爲而從朔州傷殘何由而致并一切貪殘罪狀通究明白從實回奏遺下大同總兵官員缺容臣等會官另行推補嘉靖四十四年十一月初十日題奉

聖旨是姜應熊著革了職任著總督軍門提問具奏員缺即推補欽此

覆兩廣提督侍郎吳桂芳等報古田賊寇省城疏
題為飛報強賊越城官軍奮勇敵退擒斬功次事職方
清吏司案呈奉本部送兵科抄出提督兩廣軍務兼
理巡撫兵部右侍郎兼都察院右僉都御史吳桂芳
鎮守兩廣總兵官征蠻將軍恭順侯吳繼爵題俱奉
聖旨兵部知道欽此抄出送司卷查先為查叅地方失盜
官員懇乞

聖慈優錄死事藩臣以昭懲勸事該本部覆議廣西古田
永福各處賊首吳奏合行劫及將失事人員查叅題奉
聖旨是陳其樂罰俸二箇月王寵於實職上降二級

奏稱逮了任遷王冕成相學著巡按御史提問具奏
近來司道府州縣官往往隱弊盜賊養寇殃民今後撫
按務要嚴加訪察應拏問的徑自拏問應奏請的指實
叅奏以憑拏解本京從重處治如撫按姑息容縱你部
裏并科道一併糾劾欽此已經欽遵外今該前因查呈
到部看得提督兩廣侍郎吳桂芳鎮守總兵官吳繼
爵各題稱本年八月二十二日強賊糾衆越入廣西
省城攻打布政司大門當被署印叅議向淇督同官
吏兵快奮力抵敵擒獲賊首韋扶枝等餘賊輒奔
靖江王府副總兵門崇文等督兵敵殺賊方退遁尋復

帶兵縋城追捕各有擒斬五十餘功除未獲賊徒設
法緝捕獲功失事人員分別議處及征剿事宜另行
各一節爲照廣西古田之賊一自去歲得利之後乃
敢乘夜糾衆復肆行劫一時擒斬之略雖似振揚合
城騷動之患殊可駭嘆若不亟爲議處厝火必致燎
原養癰終成潰決係干地方難以憚勞惜費合候
命下將副總兵門崇文守備卜慎文昌門東江橋巡捕官
員通行住俸令其戴罪捕賊一面移咨提督侍郎吳
桂芳會同總兵官吳繼爵公同守巡司道將領等官
務將前賊責視拏獲正諸法典以示懲戒其征勦古

田之議亦要從長計議應需軍餉作何措處應用軍
馬作何調遣誘引奸宄作何訪拏進剿機宜作何分
布文書到日限兩月以裏列款回奏一面移咨都察
院轉行彼處巡按御史先查越城賊數計有若干擒
獲賊級是否真正失事人員除門崇文等之外再有
何人應參應問徑自照例施行嘉靖四十四年十一
月十一日題奉

聖旨是這賊犯著吳桂芳吳繼爵督率司道將領等官責
限嚴拏務在得獲門崇文等都住了俸戴罪緝捕欽此
會議巡撫河南侍郎逢鳳翔擒獲妖犯功罪疏

題爲捉獲妖犯事兵科抄出巡撫河南等處地方戶部
右侍郎兼都察院右僉都御史今改刑部右侍郎遲
鳳翔題奉

聖旨兵部會同法司看了來說欽此又准本官咨爲捉獲
妖犯首惡以靖地方事等因到部臣等會同刑部尚
書臣黃光昇等看得巡撫河南右侍郎遲鳳翔題稱
拏問得白蓮教首惡原忠仁等傳用邪術構謀不軌
等項招罪緣由及稱濟瀆廟祀每年軍民會集易起
禍端并要禁革年例香銀一體停止續該本官咨稱
首惡李應乾并妻王氏蘇氏男小靈哥及妖黨劉天

壽段海蘇偏丁喜兒李仲金等俱於山西百州捉獲
各一節爲照逆首李應乾妄蓄不軌之謀已經十年
傳布無端之放不止四省望門投止所在即與藏匿
隨地爲家是處皆其黨類根連株繫官司之搜捕雖
嚴鬼出神沒蹤跡之往來極密乃今調度擒之禍本
已除至於原忠仁等雖罪犯輕重不同不過應乾之
餘孽耳臣等逐一叅詳律例俱合無容別議除李應
乾劉天壽等具奉

明旨都察院徑自議覆外所據一時劾勞官員如巡撫遲
鳳翔則功當稱首叅議朱卿僉事董文衆知府孟重

則功即次之約長曹思明吏張堯仕王鑒鄉兵楊公
明薛用其功均當錄之係于重大刑賞相應通行議
擬合候

命下將遲鳳翔重加賞賚朱卿董文案孟重同加賞賚曹
思明授以附近衛所冠帶總旗張堯仕王鑒免其當
該官辦省祭即與收選楊公明薛用各贈做千戶巡
撫衙門各處給棺殮銀三十兩仍各廕一子與做附
近衛所冠帶總旗原忠仁等二十一名口文書到日
撫按官會審處決內郭朗蘇大京等文照仍於人煙
曠集處所梟首示衆原忠仁曹貢家產妻小變賣入

官湛金等二十六名照例遷發吳天爵等十名定擬配所徒年限滿疎放孟子林等六名依律的決招內有名妖犯俞卿等備行南北直隸山東山西各撫按衙門嚴督守巡兵備各道責令府衛州縣掌印巡捕等官多方設法務期擒捕以正法典一面出給簡明告示遍行曉諭但有被其誑惑未經出名及今次有名者果能悔過自新並將妖書妖言赴官出首俱准免罪仍量給賞犒以示反正之勸其濟瀆廟祀分行各省一體嚴禁不許仍前叫佛焚香重起禍端年例香稅銀兩移咨戶部盡行查革嘉靖四十四年十一

月二十三日題奉

聖旨是遲鳳翔賞銀二十兩紵絲二表裡朱卿等各十兩
一表裡原忠仁等著撫按官會審處決內郭朗等依律
梟示其餘都依擬欽此

覆宣大總督尚書趙炳然計處新平等堡戰守疏
題爲急處危城以保外藩以全內地事職方清吏司案
呈奉本部送兵科抄出總督宣大山西等處地方軍
務兼理糧餉兵部尚書兼都察院右都御史趙炳然
題奉

兵部知道欽此抄出送司案呈到部看得新平保平

平遠三堡沿通虜巢屢迎圍困甚覺大二三鎮之間
迤西陽和賴有軍門彈壓可以無恐迤東沈馬林柴
溝堡一帶唇齒三堡孤懸無倚彼此利害大略相同
二鎮協心之議固爲遠慮二路戰守之備仍當預圖
既該總督尚書趙炳然具題相應亟行議擬合候
命下備行總督趙炳然會同宣大鎮巡巡按等官將三堡
戰守事宜從長酌處要見非常賊患作何協守緊急
秋防作何策應兵糧缺少作何運濟在天城難以路
遠置之度外在宣鎮難以隔鎮慢不經心兩鎮鎮巡
務期協心調度於上兩處叅守務期併力救援於下

方保萬全其三堡屯守官軍遇有虞警亦要一體傳報不許遇為分別致誤邊計其洗馬林等堡應否再添叅將一員如果應添兵馬該於何處取撥中間未盡事宜計議停當作速會奏以憑覆請定奪嘉靖四十四年十一月二十三日題奉

聖旨是欽此

會議原任總兵劉顯充為事官暫管浙江鎮守疏題為急缺將領官員事該兵部題職方清吏司案呈奉本部送准提督軍務巡撫浙江地方都察院三副都御史劉畿咨前事又該本官揭稱今春劉顯海上功

次查勘已明巡按衙門見今具奏等因通送到司案
呈到部看得巡撫浙江右副都御史劉畿會同巡按
御史龐尚鵬咨稱浙江總兵官員缺雖據蘇松副總
兵郭成溫處叅將吳國俱堪充任又稱郭成難以舍
彼就此吳國年資尚淺欲將劉顯戴罪管事及揭稱
劉顯倭功見今勘明一節叅詳撫按衙門所議大率
仍欲復用劉顯但鎮守總兵例該會官推補劉顯方
在聽勘事體有無相應固非臣等所敢徑擬合候
命下容臣等會同府部科道等官從公酌議具奏定奪嘉
靖四十四年十一月二十四日題奉

聖旨是欽此查得先爲糾劾總兵官員貪淫暴橫冒奪功級隱匿失事懇乞

聖明重加究治以警將來事該巡按浙江監察御史黃廷聘題該兵部覆題將劉顯先行革任聽勘轉行浙江接管巡按御史從實叅奏一面移咨浙江巡撫都御史劉畿會同巡按御史龐尚鵬先將總兵員缺查舉相應官二員咨部推補奉

聖旨是欽此除通行欽遵外今該前因臣等會同後軍都督府掌府事太師兼太子太師成國公臣朱希忠等奉
太子太師吏部尚書兼翰林院學士臣郭朴等議得

原任浙江總兵官今聽勘劉顯論其行不止小德出入大德踰閑亦所必有論其才不止陸戰便利水戰習熟尤其所長先巡按御史黃廷聘極口指摘固是明法之體今巡撫都御史劉畿巡按御史龐尚鵬交口保留無非使過之義然非狀未明若令仍守舊職非惟榮寵難以自竊亦且事體終未穩妥臣等再三斟量似應議處合候

命下將劉顯照依遼東總兵官楊照事例革去都督職銜充爲事官暫管浙江總兵事務一面聽都察院劄行巡按御史龐尚鵬會同都御史劉畿候春防畢日從

公勘議要見劉顯原劾事情或有罪無功不該往贖
或功罪相準應該往贖是否貪淫暴橫冒奪功次有
無隱匿失事重情應該作何處置徑自回奏嘉靖四
十四年十一月二十七日題奉

聖旨是劉顯著充爲事官暫停浙江總兵事務欽此

考選錦衣衛南北鎮撫司等官黜退疏

題爲考選軍政官員事武選清吏司案呈照得南北鎮
撫司并馴象千戶所官不該自陳例該本部會同錦
衣衛堂上掌印正官逐一訪其平日行檢如
有不協者開具寔跡論奏即今正在考選乞

處等因案呈到部臣等從公會考得南鎮撫司與馴
象所各掌印僉書等官除南鎮撫司官司事都指揮
僉事袁憲文少年不檢比昵匪人姑任俟後效其餘堪
以供職亦不議外如南鎮撫司管事都指揮同知游鉉
指揮僉事潘德徵提督象房事指揮公事鄭龍年當
衰老病復侵尋以上三臣均當勒令致仕者也南鎮
撫管司事指揮使魏大經酷以濟貪功能飾詐理刑
則京師之居民多受其害管木則通州之富力盡被
其殃指揮同知田昂一官空冒百事而無能終夜荒淫
而明娶妓女經年沉湎而久曠官常任指揮僉事徐績

勛倚勲閥而作威男僕女僕杖斃無辜賄權奸而致
貴官居家居隨處有疵以上三臣均當革任閑住者
也南鎮撫司掌司事指揮僉事趙虎召以性執拘行事
乖張冒躋清華殊玷從龍之選立身會肆常聞老虎
之謠北鎮撫司掌司事指揮同知仝王公爵雖稱舊瑜
難掩新瑕昔也貧而廉僦屋數椽已自資餘今也富
而侈堂高數仞猶若不足以上二臣過愆不同年力
尚可均當革去掌印聽其自新別議者是俱係近侍
人員臣等不敢定擬嘉靖四十四年十二月初二日
題奉

聖旨是游鉉等致仕魏大經等革了任閑住袁憲文趙虎全天爵依擬欽此

從四川撫按官劉自强等報妖賊蔡伯貫作亂疏題為地方事職方清吏司案呈奉本部送准巡撫四川等處地方都察院右副都御史劉自强揭帖前事又該巡按四川監察御史李廷龍揭帖為群寇連襲數城漸肆猖獗叅查失事官員乞

勅撫臣亟圖撲滅以奠遐方事等因到部通送到司案呈到部看覓得四川撫按官劉自强等揭帖前因叅詳妖首蔡伯貫等本以漏網之賊敢肆滔天之惡鄉官劫

庫州縣多被傷殘放火殺人軍民盡皆騷動罪在必
誅法難懲貸但地方見今用兵若將失事各官通行
提問未免缺人悞事且巡撫劉自强雖陞戶部侍郎
必須多方調度力蓋前愆亦難輕易離任事干重大
相應亟行議擬合候

命下將巡撫劉自强副使周鎬參議余由僉事喬應光知
府程學僉將通判郭雲鳳知縣王德立孫世傳通行住
俸責令盡數罪捕賊一面聽劉自强會同巡按御史李
廷龍調取附近官兵土兵行令都司管審督同府州
縣巡捕官兵隨賊勦捕務在得獲真正首惡蔡伯貫

田統余積福等明正典刑追究賊印一面出給簡明
告示徧加曉諭大略謂今番緝捕止是首犯蔡伯貫
等其脅從之徒并無知為賊所迫不能自由者俱許
投首免罪果能擒斬首惡送官准贖其罪仍加陞賞
及照支羅土寇黃中近該湖廣巡撫谷中虛題稱業
已就縛今無添調見勦黃中之兵抄出賊前奮勇夾
擊未盡事宜悉聽劉自強便宜處置事寧之日方許
交代其各處缺少官員本部查照原擬移咨吏部徑
自銓補本部一面差官催取新任都御史速赴四川
不許遷延如用譚綸免其候代仍乞特降

明旨以便遵守嘉靖四十四年十二月二十日題奉

聖旨是劉自强等都住了俸著戴罪殺賊欽此

請給四川撫臣旗牌亟勦妖賊蔡伯貫疏

題爲續報地方賊情乞 賜究治失事官員以肅臣工

事職方清吏司案呈奉本部送該巡按四川監察御史李廷龍揭帖前事到部送司卷查近爲地方事該四川撫按官都御史劉自强等揭稱賊首蔡伯貫等糾衆破城綁官劫殺等因該本部議將巡撫劉自强副使周鎬等通行住俸戴罪會兵捕賊題奉

聖旨是劉自强等都住了俸著戴罪殺賊欽此已經通行

欽遵去後今該前因查呈到部看得巡按四川監察御史李廷龍揭稱賊首蔡伯貫等糾衆連破七城及叅榮昌等縣署印巡捕推官等官張文龍等並宜查究巡撫四川都御史劉自強所宜警戒四川都司僉書署都指揮僉事陳實麒罷黜仍嚴諭劉自強督率將卒刻期滅賊并將賊首李同轉行山西撫按衙門嚴拏各一節除巡撫劉自強等已奉

欽依住俸戴罪殺賊無容再議外爲照賊首蔡伯貫等本以李應乾之黨突起川蜀連破七城雖釜中之魚終歸於爛而匪出之虎自當早擒查得四川巡撫都御

史雖贊理軍務事權頗輕貴州鎮守總兵官近在隣封威名久著誠恐前賊延蔓月久貽患地方相應再行議擬合候

命下將陳實麒革去職任充為事官令其隨軍自贖員缺先行推補張文龍等遵照前旨住俸殺賊通候事寧之日應叅應贖一併議奏其巡撫都御史查照雲南等處事例給與旗牌一切兵食聽其便宜從事仍酌量賊勢緩急賊勢若緩止用本處之兵賊勢果急即便馬上差人調取總兵官石邦憲帶領勁兵并添調湖廣土兵前來會同勦捕本部一面移文石邦憲

及湖廣巡撫都御史各另整兵待調務期有濟機宜
不致費財勞師方爲上策其建昌原任都司孫元韜
忠州所指揮伯世簪俱各才勇可稱巡撫官徑自調
取委用至於李同即李應乾別名已經河南拏獲奉
旨凌遲處死亦宜速諭諸賊令其寒心徐收破竹之效嘉
靖四十四年十二月二十三日題奉

聖旨這地方既有兵事巡撫官准照例給與旗牌著上緊
勦賊以靖地方陳寶麒革去職任充爲事官隨軍立功
贖罪其餘依擬欽此

覆宣大總督尚書趙炳然經略邊務疏

題爲經略重鎮邊務以亟圖安攘大計事職方清吏司
案呈奉本部送兵科抄出總督宣大山西等處地方
軍務兼理糧餉兵部尚書兼都察院右都御史趙炳
然題奉

聖旨兵部看了來說欽此欽遵抄出送司案呈到部看得
總督宣大山西軍務尚書趙炳然條陳選練戰兵等
四事合就開立前件議擬上請定奪嘉靖四十四年
十二月二十三日題奉

聖旨依議行欽此

一選練戰兵大率謂宣大二鎮軍馬器械不克難以

練習地租銀兩多欠不便犒賞欲將千把總管隊官
員揀選更換家丁正遊軍士更替清補快鎗火器弓
矢等藝擇人教演隨兵精怯舉刺獎賞遇虜多寡調
遣策應及要請銀一萬兩預備賞犒除選官練兵舉
劾調度一應事宜俱聽趙炳然隨宜徑自舉行外所
據銀兩委應處給合無依其所擬本部劄行太僕寺
不拘戶兵二部三七分出常例權於馬價銀內動支
一萬兩差官解送該鎮聽趙炳然酌量所費分貯陽
和懷來等處以爲驗級賑犒等項應用

一修葺墩臺大率謂宣大二鎮墩臺無制率難守瞭

傳報不明卒難收斂欲將宣府五路大同一鎮應幫
應拆墩壕定爲畫一之制增修瞭守及責成該管官
員懲治失慢墩軍無非修明耳目之意合無依其所
擬備行巡撫李秋張邦彥將宣府改添墩臺一百三
十六座窰城一十座石牆一道大同墩臺九十餘座
雙壕一道俱照依原定尺寸數自豫備磚灰石料趁
明春二月土融之時及期興造用備春防合用口糧
鹽菜銀兩銃炮火藥等器俱聽戶工二部一一照數
給發所修墩臺牆院務要高堅壕塹品窖務要深濶
女牆銃眼務要寬朗以便射打以圖保障不得仍前

徒足數目無益邊備應用并灶柴草隨宜處給仍將
守墩軍役選擇堪用之人分爲班次輪流戍守如敢
失悞傳接以致疎虞該地方墩軍輕則量情責罰重
則以軍法處置干礙職官一體叅究各該軍人果能
傳報的實効勞日久亦要分別賞給以示激勸

一查給馬匹大率謂宣大二鎮缺馬數多要行量補
本色馬三千匹分給正奇遊兵入衛及各城堡緊要
官軍騎征查得宣大二鎮自四十二年至四十四年
以內本部給發過本折馬匹通計二萬一千有奇今
又奏數多本難盡給但今春防在邇不當拘於常格

合無每鎮各給本色馬一千五百匹本部委官公同
分管寺丞押赴居庸關聽趙炳然先行分給二鎮緊
要官軍領騎每鎮折色馬一千五百匹每匹折銀一
十二兩共該銀三萬六千兩本部分解二鎮巡撫官
處收買好馬陸續給軍騎征

一督責實効大率謂宣天山西各鎮將領怯弱欺詐
掩飾舊套以致戰守之間兩無成効欲要嚴行申飭
平日養精蓄銳遇虜以奇取勝及分別功績罪狀指
陳論効委得修舉實政之意合無依其所擬備行趙
炳然會行宣天山西鎮巡等官當此新政之初大加

振作通將各該大小將領嚴行曉諭墩堡壕窖務要
高厚深濶士卒馬匹務要訓練精銳火藥器械務要
習演成熟必求事事有備件件足用一遇有警調度
賊勢或戰或守或奇或正務使颯虜進無所掠退遭
挫衄方爲實効不論功級多寡有無俱聽督撫官具
實論敘如或仍事虛文致悞事機亦要不時指名論
効以憑處治

覆巡撫山西侍郎萬恭敘修理省城尚義人員疏
題爲修理久廢城工乞

恩優異尚義人員事職方清吏司案主奉本部送兵科抄

出提督鴈門等關兼巡撫山西地方兵部左侍郎兼都察院右僉都御史萬恭題奉

聖旨兵部知道欽此抄出送司案呈到部看得巡撫山西左侍郎萬恭題稱山西省城城樓及南關敵臺風雨摧殘頽廢胡馬可登庫藏空虛計無所出設處鼓勸上自親郡王府宗室下至鄉宦舉監聞風嚮應捐財修築及今半載俱各修完乞要將

晉王并各郡王宗室及秩崇鄉宦分別獎賞卑官士庶人等酌量旌異各一節除見任官員文職如布政是三樂等武職如叅將王王等雖各捐俸鳩工俱有

方責任似難聚議所據前項輸財助

親王宗室及地方官員人役既該侍郎萬恭具題開報
前來及查冊內

晉王捐銀千兩認修大城樓五座費多工大當爲一等
寧化王同長子知燧長孫新龍等 寧河王同弟兄子
姪 方山王府宗室知燧等各修小樓二座工費次
之當爲二等 寧化王府宗室表檟等知覺等

河東王長子知燧 靈丘王府宗室知啓等 新化王

府宗室慎鏡慎鉅晉庶府宗室奇減知烙等各修小
樓一座工費又次之當爲三等鄉宦原任御史張梯

督率居民楊文通李一性等管修敵臺樓一十七座
工費亦大當爲一等府丞孫允中知州傅霖原任總
兵許經千戶王貞吉推封副使王尚智原任叅將劉
繼先候缺審理張汝志典仗張汝忠各修小樓一座
工費次之當爲二等署丞侯汝謙助銀一十二兩知
縣劉光助銀一十兩知府唐頤助銀五兩舉人張衆
善等助銀八兩當爲三等民人張槃劉鎮共修敵臺
樓一座當爲三等之上其餘在任文武官員辯復承
吏贖罪人等俱各修理有差相應通行議擬以示激
勸合候

命下將 晉王

特加勅獎 寧化王同子知燼與宗室知伏等表械等併
入王

勅一體獎諭張梯巡撫官置立服義牌匾厚備羊酒彩段
迎送孫允中傅霖許經王貞吉王尚智劉繼先張汝
志張汝忠亦置服義牌匾並備羊酒花紅迎送張槃
劉鎮併侯汝謙劉光唐順張衆善等及楊文通等李
一性等徑自酌量犒賞溫知新等許川等張福厚等
悉聽查照原擬徑自施行嘉靖四十四年十二月二
十三日題奉

聖旨是欽此

覆左軍都督等府僉書侯伯自陳分別去留疏

一題為自陳不職懇乞 天恩辭免府任以裨

聖治事武選清吏司案呈奉本部送兵科抄出左軍都督等府管府事廣寧伯劉九中等奏俱奉

聖旨兵部知道欽此欽遵通抄送司案呈到部看得五軍

都督府僉書并府軍前衛掌衛官及專管紅盔官雖

事務繁簡不同均為重職臣等虛心評品不敢不愼

其在府僉書廣寧伯劉九中定西侯蔣佑右府僉書

張熊南寧伯毛國器中府僉書武進伯朱承

勲前府僉書新寧伯譚功承署都督僉事周于德後
府僉書都督僉事徐珏管理紅盔將軍懷寧侯孫世
忠府軍前衛掌衛事安鄉伯張鎡以上十臣職業頗
修所當留用者也又如中府僉書應城伯孫文棟華
冑可惜青年自棄出差則騷擾地方所至真如虎吻
署府則需索官舍所取及於蠅頭後府僉書惠安伯
張元善本以刻薄之資全失勲伐之體用官刑而考
訊平人圖賴財物引私僕而欺打僚友倚恃豪雄管
理紅盔將軍清平伯吳家彥酗酒廢政使氣凌人搶
惠安伯之騾彼此交關幾成後變奪巡捕軍之馬往

來構訟有玷先風以上三臣職業不修所當革任閑
住者也但勲戚大臣去留出自

朝廷嘉靖四十四年十二月二十三日題奉

聖旨劉允中等照舊供職孫文棟張元善吳家彥革任閑
住欽此